

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U TUZLI
Broj: 32 0 St 403779 21 St
Tuzla, 11.05.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„STOČAR“ d.o.o. Gračanica, za proizvodnju, preradu i promet mesa, ul. Šenik bb**, nakon provedenog stečajnog postupka donio je dana 11.05.2022. godine slijedeće

R J E Š E N J E

ZAKLJUČUJE SE stečajni postupak nad imovinom dužnika **„STOČAR“ d.o.o. Gračanica, za proizvodnju, preradu i promet mesa, ul. Šenik bb**, matični broj subjekta 01-168 „JIB: 4209388030004, račun broj: 1321800308800050 otvoren kod Unicredit bank d.d Sarajevo.zbog nedostatka stečajne mase za pokriće troškova stečajnog postupka.

Rješenje o zaključenju stečajnog postupka bit će objavljen u Službenim novinama Federacije BiH, Oglasnoj ploči suda, web stranici suda-elektronskoj tabli suda te dostavlja FIA-i.

Obavještavaju se stečajni dužnik, stečajni upravnik i povjerioci da će rješenje o zaključenju početi proizvoditi pravne posljedice protekom roka od 8 dana od dana objavljivanja u Službenim novinama F BiH.

Po pravosnažnosti ovog rješenja isto će se dostaviti Općinskom sudu u Tuzli, Odjeljenju registra, radi brisanja stečajnog dužnika iz sudskog registra.

O b r a z l o ž e n j e

„STOČAR“ d.o.o. Gračanica, za proizvodnju, preradu i promet mesa, ul. Šenik bb, dana 28.06.2021. godine podnio je prijedlog za otvaranje stečajnog postupka nad ovim privrednim društvom iz razloga platežne nesposobnosti, temeljem odredbe člana 6. Zakona o stečaju („Sl. novine F BiH“ br.29/03., 32/04., 42/06 i 52/18).

Rješenjem suda od 05.01.2022. godine otvoren je stečajni postupak nad imovinom dužnika **„STOČAR“ d.o.o. Gračanica, za proizvodnju, preradu i promet mesa, ul. Šenik bb**, a za stečajnog upravnika imenovan je Nedret Kikanović iz Tuzle.

Na izvještajnom ročištu održanom dana 10.03.2022. godine stečajni upravnik je obrazložio izvještaj o ekonomskom stanju dužnika te je utvrđeno da su ukupno priznate obaveze stečajnog dužnika u iznosu od 817.709,38 KM te razvrstane u opći isplatni red. Potraživanja općeg isplatnog reda odnose se na povjerioce Porezna uprava F BiH KPU Tuzla, Uprava za indirektno oporezivanje BH RC Tuzla, FZ MIO PIO Mostar KAS Tuzla, HT Eronet Mostar i Elektroprivreda BiH, Elektrodistribucija Tuzla. Povjerilaca drugih isplatni redova nije bilo kao ni izlučnih povjerilaca.

Tokom postupka utvrđeno je a što prozilazi iz izvještaja stečajnog upravnika, da ne postoje izgledi da se poslovanje stečajnog dužnika nastavi kao ni izgledi za reorganizaciju društva. Stečajni upravnik je utvrdio nelikvidnost i nesolventnost stečajnog dužnika jer nema redovnih prihoda a transakcijski računi su blokirani. Također je u toku stečajnog postupka utvrđeno je da stečajni dužnik nema imovine iz kojeg bi se mogla namiriti potraživanja povjerilaca. Stečajni upravnik predložio je da se postupi u skladu sa odredbama 196. Zakona o stečaju i postupak zaključi zbog nedostatka stečajne

mase. Na istom ročištu skupština je usvojila izvještaj stečajnog upravnika sa svim prijedlozima za zaključenje stečajnog postupka zbog nedostatka stečajne mase.

Predujam za vođenje stečajnog postupka, zajedno sa iznosom uplaćenim za prethodni postupak ukupno je iznosio 4.000,00 KM. Tokom postupka nije bilo unovčena imovine, a predujmljena sredstva služila su za pokriće troškova stečajnog postupka.

U svom izvještaju kao i na izvještajnom ročištu održanom dana 10.03.2022. godine stečajni upravnik predložio je zaključenje stečajnog postupka zbog nedostatka stečajne mase u skladu sa članom 196. Zakona o stečaju (Sl. novine F BiH broj 53/21), obzirom da društvo nema imovine koja bi služila za namirenje povjerilaca i troškova postupka a postojeća stečajna masa nije dovoljna ni za pokriće troškova stečajnog postupka.

Skupština je usvojila prijedlog stečajnog upravnika za zaključenje stečajnog postupka zbog nedostatka stečajne mase.

Provodeći aktivnosti a u svrhu zaključenja stečajnog postupka sud je temeljem odredbe čl. 102. točka 7. u vezi sa članom 196. Zakona o stečaju dana 10.03.2022. godine donio rješenje kojim se pozivaju stečajni dužnik, povjerioci i sva zainteresovana lica da u roku od 30 dana od dana objave rješenja u Sl. novinama F BiH uplati predujam u iznosu od 5.000,00 KM za nastavak provođenja stečajnog postupka ukoliko za isto imaju interes.

Rješenje je objavljeno u Službenim novinama F BiH broj: 22/22 dana 23.03.2022. godine, a na oglasnoj ploči dana 11.03.2022. godine.

Kako ni jedan od povjeritelja nije obavijestio sud da je izvršio uplatu traženog iznosa, za dalje vođenje postupka, to sud u skladu sa članom 196. stav 1. Zakona o stečaju, zaključuje postupak jer stečajna masa nije dovoljna za pokriće troškova stečajnog postupka.

Imajući u vidu sve gore navedeno ovaj sud smatra da su ispunjeni uslovi za zaključenje stečajnog postupka zbog nedostatka stečajne mase u skladu sa članom 196. Zakona o stečaju.

Stečajni povjerioci mogu nakon zaključenja stečajnog postupka ostvarivati svoja potraživanja prema dužniku pojedincu u skladu sa propisima građanskog prava, a kako je to propisano odredbom člana 191. Zakona o stečaju.

Temeljem odredbe člana 191. stav 10. i član 204. stav 1. i 3. Zakona o stečajnom postupku rješenje o zaključenju stečajnog postupka objavljuje se u „Službenim novinama F BiH“, Oglasnoj ploči suda, web stranici suda-elektronskoj tabli suda te dostavlja FIA-i.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Temeljem odredbe člana 196. Zakona o stečajnom postupku sud je odlučio kao u izreci rješenja.

STEČAJNI SUDIJA

Ilvana Delić

POUKA O PRAVNOM LIJEKU!

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objave rješenja u „Službenim novinama F BiH“.

